



27. Januar 2016

Inatsisartut suleriaasianni § 37 naapertorlugu Naalakkersuisunut apeqqutit imaattut ingerlatippakka:

**Qanoq akileraartarnikkut inummut ilanngaat 5.000,- koruuninik qaffanneqarpat nunatta karsia akeqassava ?**

**Qanoq akileraartarnikkut inummut ilanngaat 10.000,- koruuninik qaffanneqarpat nunatta karsia akeqassava ?**

**Qanoq annertutigisumik nunatta karsia iluanaaruteqassava nunatsinnut akileraarut 1 procent-imik qaffanneqarpat?**

(Inatsisartuni ilaasortaq, Steen Lyngø, Atassut)

Tunngavilersuut:

Nunatta aningaasaqarniarnera ullumikkut ima inissismavoq, inuit aningaasarsiaminnit pisissutigisinnaasaat annikilliarlorluni. Aningaasat naleqassutaata annikilliarlornera pissutigalugu. Aningaasat nalikilliarlornerat sukkaneruvoq Danmark-imut sanilliutissagaanni. Nunatta aningaasaqarnikkut aningaasarsianik qaffaanissaminik periarfissaqanngilaq, taamaattorli isertitakinnerusunik ikiorserneqarnissaminik pisariaqartitsipput. Taamatullu ikiorsiineq akileraartarnikkut inummut ilanngaatip annertussusaanik allannguinnikkut pisinnaanera misissortariaqarparput. Akileraartarnikkut inummut ilanngaat ukiuni arlaqartuni allanngortinnikuunngilaq, naak aningaasat pisissutigineqarsisannaanerat annikilliarluinnaraluartoq.

Kissaatigissavarput, akissuteqaat nalinginnaasumik ullut sulifiit qulit qaangiutsinnagit tigusinnaassallugu.